

Cum igitur talis ſit in natura propinquitas, inter ſpiritum hominis aereum & dæmonis æternum, facillimum erit credere, quod ex cauſa leuiſſima poſſit natura iſtiusmodi dæmoniaca, mediante aete, aſſidue per os inſpirato, ingredi in corpus humanum atque ſe iungere cum aere naturali rei incluſo, atque etiam per aures & nares penetrando cum ſpiritu phantaſtico ſe permiscere, atque ita aeris illius naturam & conditionem ſecretis apparitionibus & perſuaſionibus ad ſuam voluntatem allicere & inclinare.

Hinc ergo à Diuo Paulo dicitur *Ambulaſtis ſecundum Principem poteſtatis aeris huius, qui nunc operatur in filios diſſidentia: Ephes. 2. 2.* nam ubi fides a deſt ibi nullam habet poteſtatem, vnde fit vt princeps hic cum angelis ſiſtentet omnimodo ſufurrationibus & perſuaſionibus occultis diſſidentiam in primis in ſpiritum humanum inducere, vt tum poſtea poſſit in eum vim atque poteſtatem habere.

In quantam etiam indignationem cum DEO induxerit Princeps hic malitiæ Iſraelitas, ſeducendo illos à vero DEI cultu ad ſui adorationem, ubique in literis ſanctis exprimitur: imo vero ſuis aſtutiis omnium ſapientiſſimum Salomonem ad adorationem Aſtaroth pelliciebat, Porro etiam huius aſtutiis Beelzebub pro antiquo Deo apud Ethnicos habebatur.

Falſæ etiam imaginationes atque apparitiones ſpiritui humano introducuntur ab eius miniſtro primario Pythone, cum ſuis ſubditis, quibus non modo homines vulgares, verum etiam ipſi Prophetae Dei decipiuntur, vt in historia regis Ahabi declaratur. *Spiritus quidam prodiens in conſpectum Iehoua dixit ei, egreſſus ero ſpiritus mendacii in ore omnium prophetarum, & c. 1. Reg. 22.*

Iſtiusmodi etiam dæmonum genus falſam ſpem in humanum ſpiritum imprimat, non aliter quam falſum & fictum videmus ſimulachrum in ſpeculo ſuperficialiter affigi, de cuiusmodi Spe ſic loquitur ſapiens: *Spes impiæ eſt vt lanugo delata à vento, & tanquam ſpuma tenuis à procella impulſa, & tanquam fumus à vento diſſolutus, Sap. 5. 15.* Eſſectus ergo huius ſpei vanæ eſt, vt ægrum efficiat animum vt teſtatur Salomon: *Prouerb. 13. 12.* Atque hæc eſt cauſa cur imprimat ipſe vanam ſpem in ſpiritum hominis aereum, vt ille ſpiritus poſſit ſua contiguitate cum cælo hominis ſeu ſpiritu in eo æthereo falſas ei reflexiones rei expectatæ inſignire.

Furorem etiam & iracundiam inflare ſolet in ſpiritum humanum, quibus animus male afficitur, atque ratio erroris velo obducitur, ita, vt durante eo tempore magna facinora ſoleant patrari: De huiusmodi paſſione ſic ait Patiens. *Animum ſuum laniat ſtultus furore ſuo: Iob. 13. 4.* In hac autem paſſione diabolica Cain fraterno ſanguine eſt delibutus, atque anima cæde fraterna miſere conſpurcata.

Quantum etiam malum & quantam miſeriam induxit inobedientia Adami erga DEVM ipſi & eius poſteris? *Genef. 5.* quantam tum animæ tum corporis afflictionem obſtinatio & inobedientia Iſraelitarum in itinere per deſertum à Moyle optime explicatum habetis, *Exod. 33.* Imo vero omnium peccatorum fons & origo eſt inobedientia.

Porro etiam imaginationes dolofas, diſſimulatas atque proditorias obſignat tanquam Idoſa falſa in ſpiritum prædictum, atque exinde corda reddit proditoria atque infirma, ſic dictus eſt Satan ingreſſus eſſe in Iudam, eumque vtiſt in feſto ſuo ſpiritu vt proderet dominum ſuum.

Ad diſcordiam etiam contentionem, atque ad arma ſiue belli deſiderium exagitat quandoque ſpiritus humanos, quod quidem perficit quandoque per aeris infectionem, vt poſt cometæ apparitionem, & nonnunquam per ſufurrationes & exagitationes occultas.

Certandum ergo eſt iuxta admonitionem Apoſtoli, *Ephes. 6.* cum ſpiritibus iſtis malitiæ ſub cælo, vnde documenta huiusmodi dat nobis ſapiens. *Diligit deſectiones qui diligit iurgia, Prou. 17. 19.* Et alibi, *Gloria eſt viro quieſcere à lite. Prou. 20. 3.*

Et alibi. *Ceſſante contentione ceſſabit ab ignominia, Prou. 22. 10.* Primus & principalis eius miniſter in hac actione dicitur Abaddon, ſeu Apollyon, ſub quo & infiniti ſunt ſpiritus peculiare ad hoc negotium ordinati.

Et quandoque ſunt dæmones mali qui à Deo ordinantur, vt timorem & terrorem incutiant in ſpiritum hominis aereum, adeo vt ſtupore magno ſubito percutiantur.

De cuiusmodi ſpiritu ſic loquitur pagina ſacra: *Ecce ego indam ei ſpiritum, vt audito rumore reuertatur in terram ſuam, 2. Reg. 19. 7.* Porro etiam in alio loco dicitur. *Obſtupeſcite, admiremini, fluctuate, & vacillate, inebriamini & non à vino, mouemini ſed non ab ebrietate, quoniam miſcuit vobis dominus ſpiritum ſoporis. Iſa. 29. 9.* Archangelus dicit, nomen Dei Elohim denotat pauorem & terrorem, vnde angeli qui ei reſpondent dicuntur Bene Elohim, quibus locum Aquilonarem aſſignat, vt pote à quo omne malum; Vnde veriſimile eſt quod huiusmodi angelis ſeu dæmonibus aſſignatur huiusmodi terrefaciendi atque ſtupefaciendi officium.

Hinc qui ſtupore atque pauore ſubitaneo ſunt percuffi, frigore quali rigere, & tremore quali concuti videntur.